

# 活出无所畏惧的样子

GC  
观辰

“ 喺《UP在湾区·港见粤闻》节目中，除咗有多位大咖艺人陪大家玩转非遗之外，仲有一位不时客串靓靓小姐姐，都默默陪咗大家好多期节目嘅，佢就係GC观辰啦！人称“千七姐”嘅佢，係美食主持，又係粤语歌手，仲有个interesting 嘅灵魂添。一起嚟认识呢位，想抛开包袱做自己嘅小姐姐啦！”

郭玮/文 受访者提供/图

## 积累作品证明自己

观辰细细个咽阵，就开始将音乐当作自己嘅精神食粮，曾经佢觉得成为歌手係自己最大嘅愿望。不过，从《粤语好声音》嘅“新人王”，到依家嘅多栖艺人GC，佢渐渐发现，其实多栖发展，一样需要花好多时间学习好多新嘢，探索一切未知，不断咁充实自己，呢个过程佢好enjoy。通过一步步探索，然后知道自己想要乜嘢，佢就逐步步入呢个圈子之后收获嘅最大得着。前段时间，观辰受邀成为吴业坤演唱会嘅嘉宾，演唱咗自己嘅新歌《无睡意》。而当被问及未来仲想同边个合作时，观辰就谦虚地表示要再积累多啲原创作品，有啲资本让更多人认识自己，先有机会谗边个谈合作。佢话自己偶尔都会回看以前嘅作品，忍唔住仲会share俾人，感受到当下嘅进步，未来先会做得更好。

## “综艺体质”real有趣

观辰承认自己有“偶像包袱”，不过正努力放低：“唔介意别人嘅评价，活出无所畏惧的样子，人生才过的开心啊，哈哈哈哈哈……”观辰呢种又real又有趣嘅性情，佢有份录制嘅各类节目中，就更加暴露无遗啦。好似录《UP在湾区》时，要在小河边荡舟上唱民谣，但至今仍直言惊悚：“我唔识游水，惊跌落去。仲有民谣嘅腔调实在好难！”跟住《品城记》食遍各地美味，佢话最难忘嘅係顺德嘅“爆珠煲仔饭”：“打开煲盖后，我见到一整煲猪眼！”特别係老板从厨房搵出一包猪眼嘅情景，观辰话一世都唔会忘记哦。讲起呢啲趣怪往事嘅时候，佢都好热衷表达自己real嘅情绪，中意食嘢又贪玩嘅真性情，真系好容易就会同佢做咗friend。虽然冇乜时间关注综艺节目，但如果得有得拣，观辰最想上《奖门人》玩下：“工作嘅时候仲可以开心玩游戏，谗到都觉得赚了！”

## 坚持努力，未来可期

2022年已经进入尾声，虽然今年嘅to do list因为各种原因进度缓慢，但观辰对未完成嘅计划依然充满信心：“可能我今年最后嘅时候，就完成晒喇！”除咗感谢一直支持同关注自己嘅朋友，佢觉得努力做更多作品出嚟俾大家睇到，係最实际嘅行动。新年嘅愿望会係咩？观辰话：希望自己中意嘅广州一直咁好，希望大家开开心心快乐，更加希望不断努力让自己变得越来越好！Color都相信，咁有趣嘅观辰，未来一定会有更多惊喜俾到大家。

吴业坤

前段时间，“坤哥”吴业坤唱唱结束咗广州站音乐会，完成咗自己一部分嘅内地巡演计划。从初来乍到嘅人生路不熟，到依家爱上广州呢个城市，坤哥话自己有啲唔少新体会。而回顾返出道嘅十二年，坤哥又係点样成长为今时今日嘅偶像咧？跟住Color去睇睇吧。

郭玮/文 受访者提供/图

出道十二年

仲想做偶像！

## 活力广州 惹人着迷

吴业坤话，以前除咗返乡下同短暂工作，都好少有机会喺内地逗留咁长时间。趁住今次巡回音乐会嘅契机，佢终于有机会在广州住一段时间，慢慢感受呢座城市嘅魅力：打卡东山口，潮店有意思，仲见到好多潮人；漫步花城广场，呢度唔止係地标，亦有人玩飞盘、有人跑步；走在街头，你会见到个性十足嘅后生仔女、步履匆匆嘅上班族……喺坤哥眼中，呢啲广州人嘅普通日常，都係广州充满活力嘅体现。坤哥觉得，佢首歌《一路》同广州嘅适配度极高，呢首歌就係唱年轻人为了梦想，一路向前，“各人觅到各自发展”。

冇人可以抵挡广州嘅美食，坤哥都唔例外！佢被广州嘅美味一次又一次俘虏，无论几夜都可以搵到好嘢食，令佢觉得广州好有亲切感、住喺度唔会寂寞。当然啦，坤哥在诸多“美食诱惑”中，仲保持身为艺人嘅自觉：“想食多啲好嘢，但开紧音乐会，唔可以太放肆。”

## 要做榜样 一起进步

吴业坤专注于音乐事业发展嘅同时，参演过嘅影视作品都唔少嘅，目前饰演过嘅角色都偏正派嘅居多。坤哥话：只要係唔一样嘅人物，就会有好多唔同嘅玩法，每次都可以係一个新挑战。同Color君倾计嘅时候，吴业坤都有透露，目前最想尝试嘅题材，係拍下偶像剧啲恋爱戏码。以前佢会觉得唔好意思回看自己嘅旧作品，但依家大个仔，佢就认为，只有回顾过去，先可以改正不足、继续前行。但曾经立志，万大事要“做自己”，但经历多咗，佢就意识到有时真係唔可以太任性；佢对自己都好有要求嘅，希望自己同中意佢嘅人一起进步，希望成为别人嘅榜样。出道十二年，佢依然想做个“偶像”，而佢对偶像嘅理解係：“唔一定靓仔或者好有才华，但可以带俾人正向嘅影响。”坤哥仲答应大家，一定会继续努力做多啲好作品出嚟，不如我哋一齐期待下啦。

## 老友埋堆 收获良多

除咗自己嘅音乐会，坤哥嘅更早之前，仲以嘉宾身份分别出席咗好友吴若希、胡鸿钧音乐会，为佢哋演唱助阵撑场。坤哥将呢啲舞台形容为“神奇嘅经历”，因为入行嘅时候，大家仲係默默无闻嘅新人，努力多年，今时今日大家都冇咗fans、有欢呼同掌声，一切来之不易。年中嘅时候，坤哥拍埋一班friend北上拍《香港人在北京》，喺新剧中佢饰演听障吉他手，呢个角色对佢来讲，都几有挑战性，能得到大家认可，坤哥觉得係最值得开心嘅事。拍新剧嘅时候，坤哥嘅普通话水平都得到提升，佢收获咗好多前辈嘅指点，又同戴祖仪合作咗新歌，甚至连摄影技术都有咗进步，呢趟旅程收获真系意外地多。佢有一个“小惊喜”就係，志同道合嘅一班friend埋堆住喺酒店两个月，居然有咗唔毕业旅行嘅feel添。